

*Ecce sponsus, exite obviam ei.*

✠ Lécctio sancti Evangélii  
secúndum Matthæum

25, 1-13

In illo témpore:

Dixit Iesus discíplis suis parábolam hanc:

- <sup>1</sup> «Símile erit regnum cælórum decem virgínibus,  
quæ accipiéntes lámpades suas  
exiérunt óbviám sponso.
- <sup>2</sup> Quinque autem ex eis erant fátuæ  
et quinque prudéntes.
- <sup>3</sup> Fátuæ enim,  
accéptis lampádibus suis,  
non sumpsérunt óleum secum;
- <sup>4</sup> prudéntes vero accepérunt óleum in vasis  
cum lampádibus suis.
- <sup>5</sup> Moram autem faciénte sponso,  
dormitavérunt omnes et dormiérunt.
- <sup>6</sup> Média autem nocte clamor factus est:  
“Ecce sponsus! Exíte óbviám ei”.
- <sup>7</sup> Tunc surrexérunt omnes vírgines illæ  
et ornavérunt lámpades suas.
- <sup>8</sup> Fátuæ autem sapiéntibus dixérunt:  
“Date nobis de óleo vestro,  
quia lámpades nostræ exstinguúntur”.
- <sup>9</sup> Respondérunt prudéntes dicéntes:  
“Ne forte non suffíciat nobis et vobis,  
ite pótius ad vendéntes et émite vobis”.
- <sup>10</sup> Dum autem irent émere,  
venit sponsus,  
et quæ parátæ erant,

intravérunt cum eo ad núptias;  
et clausa est iánua.

<sup>11</sup> Novíssime autem véniunt et réliquæ vírgines  
dicéntes:

“Dómine, Dómine, áperi nobis”.

<sup>12</sup> At ille respóndens ait:

“Amen dico vobis:  
Néscio vos”.

<sup>13</sup> Vigiláte ítaque,  
quia nescítis diem neque horam».

Verbum Dómini.